

Wär i hüt nid, was i bi

I bi so dankbar, dass du da bisch für mi,
s'wär haub so schön und weniger wiud ohni di
ha di o öppe die aus Vorbiud gno
und bi de hüfig so o wytercho
schön, dass du hüt o geng no zue mr steisch
dass du mi so nimsch win i bi und o versteisch.

Ohni di - wär i hüt nid, was i bi
Ohni di - chönt i hüt nid so glücklech si
Ohni di - wär i hüt nid, won i bi
Ohni di - chönt hüt alles andersch si

I lueges nid aus säubschtverständlech a
dass i s mit dir so cheibe guet cha ha
und i frage mi, wie das söu wytergah,
ja, bisch de du oder i mau nümme da
Jedi Sekunde won i di cha gseh,
gniess i sehr und wünsche mir vo däm no meh